

Akashvani, Sambalpur

SAMBALPURI NEWS EVENING BULLETIN

14 July 2024- 7.02 pm- 7.12 pm.

୧- ୪୭ ବଛର୍ ଉତ୍ତରୁ ଖୁଲାଇଲା ପୁରୀ ଶ୍ରୀମନ୍ଦିରର ରତ୍ନଭଣ୍ଡାର ।

- ନିଜେ ମୁଖ୍ୟମନ୍ତ୍ରୀ ମୋହନ୍ ଚରଣ୍ ମାଝୀ ସାମାଜିକ ଗଣମାଧ୍ୟମ୍ ଜରିଏ ଦେଲେ ସୂଚନା ।

- ଚାବିଥି ନାହିଁ ଖୁଲ୍‌ବାରନ୍ତୁ ଭଙ୍ଗାଗଲା ଭିତର ରତ୍ନଭଣ୍ଡାରର ତାଲା ।

୨- ଶ୍ରୀକ୍ଷେତ୍ର ପୁରୀ ନ ଆଏବା କାଏଲ୍ ହେବା ମାହାପୁରୁଙ୍କର ବାହୁଡ଼ା ଯାତ୍ରା ।

୩- ବେସରକାରୀ ହାସପାତାଲ୍ ନ ଜୁଏ ଲାଗ୍‌ବାର୍ ଘଟ୍‌ନାଥି ଆହତ୍‌ମାନ୍କୁ ଭେଟ୍‌ଲେ- ସ୍ଵାସ୍ଥ୍ୟମନ୍ତ୍ରୀ ।

ଆଉର

୪- ବଙ୍ଗୋପସାଗର ନ ହେଇଥିବା ଘୂର୍ଣ୍ଣିବଲୟର ପ୍ରଭାବ୍‌ଥି ରାଏଜେ ବଢ଼ିବା ବର୍ଷା ।

ପୁରୀ ଶ୍ରୀମନ୍ଦିରର ରତ୍ନଭଣ୍ଡାର ଆଏଜ୍ ଦୁଇପହରର ୧
 ବାଜିକରି ୨୮ ମିନିଟ୍ ଅମୃତ ବେଳାଥୁ ଖୁଲାଯାଇଛି । ୪୭
 ବଛର ଉତ୍ତରୁ ଆଏଜ୍ ଫେରଘାଏ ରତ୍ନଭଣ୍ଡାରକେ
 ଖୁଲାଯାଇଛି । ନିଜେ ମୁଖ୍ୟମନ୍ତ୍ରୀ ମୋହନ ଚରଣ ମାଝୀ
 ସାମାଜିକ ଗଣମାଧ୍ୟମ ଜରିଏ ଇ ସୂଚନା ଦେବାର ସଙ୍ଗେ
 ମାହାପୁରୁ ଶ୍ରୀ ଜଗନ୍ନାଥଙ୍କର ଆଜ୍ଞାଥୁ ରତ୍ନଭଣ୍ଡାର ଖୁଲ୍ଲା ବଳି
 କହିଛନ୍ । ଶ୍ରୀମନ୍ଦିର ରତ୍ନଭଣ୍ଡାର ଯା'ର କମିଟିର ଅଧ୍ୟକ୍ଷ ଜଷ୍ଟିସ୍
 ବିଶ୍ଵନାଥ ରଥ, ଶ୍ରୀମନ୍ଦିରର ମୁଖ୍ୟ ପ୍ରଶାସକ ଡକ୍ଟର ଅରବିନ୍ଦ
 ପାଢ଼ୀ, ପୁରୀ ଜିଲ୍ଲାପାଲ୍ ସିଦ୍ଧାର୍ଥ ଶଙ୍କର ସ୍ଵାଇଁଙ୍କର ସହେତେ ୧୧
 ଝନିଆ ଦଲ୍ ରତ୍ନଭଣ୍ଡାର ଖୁଲ୍ବାର ସମିଆଥୁ ଉପସ୍ଥିତ ଥିଲେ ।
 ଆଏଜ୍ ରତ୍ନମାନଙ୍କର ଗଣତି ମଣତି ନାହିଁ ହେଇ । ରାଜ୍ୟ
 ସରକାର ଅନୁମୋଦନ ଦେଇଥିବା ରତ୍ନଭଣ୍ଡାର ବାବଦ୍
 ମାର୍ଗଦର୍ଶିକା ଅନ୍ସାରେ ରତ୍ନଭଣ୍ଡାର ଖୁଲାଯାଇଛି ବଳି
 ଶ୍ରୀମନ୍ଦିର ମୁଖ୍ୟ ପ୍ରଶାସକ ଡକ୍ଟର ପାଢ଼ୀ କହିଛନ୍ । ସେ କହିଛନ୍
 ଯେ, ବାହାର ରତ୍ନଭଣ୍ଡାରକୁ ରତ୍ନମାନଙ୍କୁ ବାହାର କରିକରି ସ୍ଵତନ୍ତ୍ର
 ଭାବେ କରାଯାଇଥିବା ଷ୍ଟର୍କରୁମ୍ସ୍ ସିଲ୍ କରିକରି
 ରଖାଯାଇଛି । ଭିତର ରତ୍ନଭଣ୍ଡାର ଚାବିଥୁ ନାହିଁ ଖୁଲ୍ଲା,
 ହେଥିଲାଗି ରାଜ୍ୟ ସରକାରଙ୍କର ଅନୁମୋଦିତ୍ ମାର୍ଗଦର୍ଶିକା
 ଅନ୍ସାରେ ଭିତର ରତ୍ନଭଣ୍ଡାରର ତାଲା ଭଙ୍ଗା ହେଲା । ଭିତର

ରତ୍ନଭଣ୍ଡାରର ସିନ୍ଦୁକ ଆର ଆଲଫିରା ମାନକୁ ରତ୍ନ ରହିଛି ଆର
ଗୁଟେ ଦିନେ ଭିତର ରତ୍ନଭଣ୍ଡାରକୁ ରତ୍ନ କଢ଼ାଯିବା ବଳି ତକ୍କର
ପାଢ଼ୀ କହିଛନ୍ ।

ରତ୍ନଭଣ୍ଡାର ଖୁଲବାର ଲାଗି କମିଟିର ସଦସ୍ୟମାନେ ଆଏଜ୍
ସଖାଲେ ମାହାପୁରୁଙ୍କର ଦର୍ଶନ କରିଥିଲେ । ତାର ଉତ୍ତରୁ
ଶ୍ରୀମନ୍ଦିର ପ୍ରଶାସନ କାର୍ଯ୍ୟାଳୟ ନ ରୂଡ଼ାନ୍ତ ପ୍ରସ୍ତୁତି ବୈଠକ
କରିକରି ସତେ ଧୂତି ଗାମ୍ଛା ପିନ୍ଧିକରି ଏକାସାଙ୍ଗେ ଶ୍ରୀମନ୍ଦିରକେ
ଯାଇଥିଲେ । ଆମର ସମ୍ବାଦଦାତାଙ୍କର ସୂଚନା ଅନୁସାରେ
ରତ୍ନଭଣ୍ଡାରର ରତ୍ନମାନକୁ ଷ୍ଟୁଟ୍‌ରୁମ୍‌ଥି ରଖାଯିବାର ଉତ୍ତରୁ
ଏଏସଆଇ ତରଫୁ ଥିତିର ଅନୁଧ୍ୟାନ କରାଯାଇକରି
ରତ୍ନଭଣ୍ଡାରର ଦରକାରୀ ମରାମତି କରାଯିବା । ସେନ୍ତା
ରତ୍ନଭଣ୍ଡାର ଗଣତି ମଣତିର ଲାଗି ଭାରତୀୟ ରିଜର୍ଭ ବେଙ୍କର
ସାହାଜ୍ ନିଆଯିବା । ଅଳଙ୍କାରର ସଂଖ୍ୟା, ଉଜନ ଆର ମାନ
ପରୀକ୍ଷା ଆଉ ନିର୍ଦ୍ଧାରଣ କରାଯିବା । ରତ୍ନଭଣ୍ଡାର ଖୁଲାଇବାର
ନୁ ନେଇକରି ସବୁ ପ୍ରକ୍ରିୟାର ଭିଡ଼ିଓଗ୍ରାଫି କରାଯାଉଛି ବଳି
ଆମର ସମ୍ବାଦଦାତା ଜନେଇଛନ୍ । ଇନ ଜନେଇ
ଦିଆଯାଇପାରେ ଯେ, ଇତାର ଆଘୋ ୧୯୭୮ ମସିହାଥି ପୁରୀ
ଶ୍ରୀମନ୍ଦିରର ରତ୍ନଭଣ୍ଡାର ଖୁଲାଇଥିଲା ।

ବାହୁଡ଼ାଯାତ୍ରା ଆରଏନ୍‌ୟୁ/ କଟକ୍

ଶ୍ରୀକ୍ଷେତ୍ର ପୁରୀ ନ ଆଏବା କାଏଲ୍ ହେବା
ମାହାପୁରୁମାନଙ୍କର ବାହୁଡ଼ା ଯାତ୍ରା । ଆଏଜ୍ ଗୁଣ୍ଡିଚା ମନ୍ଦିର ନ
ନବମୀ ଦର୍ଶନ ଆର ସନ୍ଧ୍ୟା ଦର୍ଶନ ହେଇଯାଇଛି । ଭକ୍ତମାନେ
ଉପରବେଳା ଝ ବଜାତକ୍ ମାହାପୁରୁମାନଙ୍କର ସନ୍ଧ୍ୟାଦର୍ଶନ
କରିଛନ୍ । ହେତାରୁତରୁ ଆଏବାକାଏଲ୍ ବାହୁଡ଼ା ଯାତ୍ରା ଲାଗି
ମାହାପୁରୁମାନଙ୍କର ଭିନ୍ ଭିନ୍ ନୀତି ମୁଲ୍ ହେଇଛି ।

ସେଆଡ଼େ ଆଏଜ୍ଠାନୁ ନୀଳାଦ୍ରୀ ବିଜେ ସରବାର୍ତକ୍ ପୁରୀ ନ
ରହେବାରକେ ମୁଖ୍ୟମନ୍ତ୍ରୀ ମୋହନ୍ ଚରଣ୍ ମାଝୀଙ୍କର ନିର୍ଦ୍ଦେଶ୍
ଅନୁସାରେ ଉପମୁଖ୍ୟମନ୍ତ୍ରୀ ପ୍ରଭାତୀ ପରିଡ଼ା, ଆଇନମନ୍ତ୍ରୀ
ପୃଥ୍ବୀରାଜ୍ ହରିଚନ୍ଦନ୍ ଆର ସଂସ୍କୃତି ମନ୍ତ୍ରୀ ସୂର୍ଯ୍ୟବଂଶୀ ସୁରଜ୍
ପୁରୀ ନ ଅଛନ୍ । ସେମାନେ ନୀଳାଦ୍ରୀ ବିଜେ ସରବାର୍ତକ୍
ଶ୍ରୀଗୁଣ୍ଡିଚା ଯାତ୍ରାର୍ ସବୁ ରୀତିନୀତି ଯେନ୍ତା ଠିକ୍ଠାକ୍ ଆର
ଶୃଙ୍ଖଳିତ୍ ହେଇପାରବା ଆର ଭକ୍ତମାନେ କେହେନି ପ୍ରକାରର
ଅସୁବିଧାଥୁ ନାଇଁ ପଡ଼ନ୍ ହେଟା ନିଶ୍ଚିତ୍ କରବେ ।

ଖଦୀ ଆର ଗ୍ରାମୋଦ୍ୟୋଗ୍ ଆୟୋଗ-ରେକର୍ଡ୍

ଆରଏନ୍ୟୁ/ କଟକ୍

କେନ୍ଦ୍ର କ୍ଷୁଦ୍ର, ଲଘୁ ଆର ମଧ୍ୟ ଉଦ୍ୟୋଗ୍ ମନ୍ତ୍ରଣାଳୟ ଅଧୀନଥୁ
ଖଦୀ ଆର ଗ୍ରାମୋଦ୍ୟୋଗ୍ ଆୟୋଗ୍ ଗଲା ଆର୍ଥିକ୍ ବହୁରେ

ଉତ୍ପାଦନ ବିକ୍ରି ଆର୍ ନୂଆଁ ରୋଜ୍‌ଗାର ଦେବାର୍ଥ୍ ନୂଆଁ ରେକର୍ଡ୍ କରିଛେ । ଆୟୋଗ୍‌ର ଆକଳନ ଅନୁସାରେ ପହେଲା ଥର ଲାଗି ଖଦୀ ଆର୍ ଗ୍ରାମୋଦ୍ୟୋଗ ଆୟୋଗ୍ ୨୦୨୩-୨୪ ଆର୍ଥିକ୍ ବର୍ଷରେ ଲାଖେ ୫୫ ହଜାର କୋଟି ଟଙ୍କାର୍ ବିକ୍ରିବଟା କରିଛେ, ଯେନଟାକି ୨୦୨୨-୨୩ ଆର୍ଥିକ୍ ବର୍ଷରେ ଲାଖେ ୩୪ ହଜାର କୋଟି ଟଙ୍କା ଥିଲା । ସେନ୍ତା ଗଲା ଆର୍ଥିକ୍ ବର୍ଷରେ ଆୟୋଗ୍‌ର ଉଦ୍ୟମ୍ଥୁ ଗାଁ ଇଲାକା ନ ୧୦ ଲାଖ୍ ୧୭ ହଜାର ନୂଆଁ ରୋଜ୍‌ଗାର୍ ସୃଷ୍ଟି ହେଇଛେ । ଆୟୋଗ୍‌ର ଅଧକ୍ଷ ମନୋଜ୍ କୁମାର୍ କହିଛନ୍ ଯେ, ଖଦୀ ସାମାନ୍ ଉପରେ ଲୁକ୍‌କର୍ ବିଶ୍ୱାସ୍ ବଢ଼ିଛେ । ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀଙ୍କର୍ ମେକ୍ ଇନ୍ ଇଣ୍ଡିଆ ଆର୍ ଭୋକାଲ୍ ଫର୍ ଲୋକାଲ୍ ଆହ୍ୱାନ୍ ଲାଗି ସ୍ୱଦେଶୀ ସାମାନ୍ ଉପରେ ଲୋକ୍‌ମାନକର୍ ଉର୍ସା ବଢ଼ୁଛେ ।

ମେଡ଼ିକାଲ୍- ଜୁଏ ଆର୍‌ଏନ୍‌ୟୁ / ସମ୍ବଲପୁର

କଟକ୍‌ର ଗୁଟେ ବେସର୍‌କାରୀ ହାସ୍‌ପିତାଲ୍ ନ ଜୁଏ ଲାଗ୍‌ବାର୍ ଘଟ୍‌ନାଥ୍ ଆହତ୍ ହେଇକରି ଶିଶୁଭବନ୍ ନ ଚିକିତ୍ସିତ୍ ହେଉଥୁବା ୧୭ ଝନ୍ ଛୁଆଙ୍କର୍ ସ୍ୱାସ୍ଥ୍ୟବସ୍ଥା ବାବଦେ ସ୍ୱାସ୍ଥ୍ୟମନ୍ତ୍ରୀ ଡକ୍ଟର୍ ମୁକେଶ୍ ମହାଲିଙ୍ଗି ବୁଝାସୁଝା କରିଛନ୍ । ଡକ୍ଟର୍ ମହାଲିଙ୍ଗ୍ ଆଏଜ୍ ଶିଶୁଭବନ୍ ଯାଇକରି ଚିକିତ୍ସିତ୍ ହେଉଥୁବା ଛୁଆମାନକୁ

ଦେଖିବାର ସଙ୍ଗେ ଶିଶୁଭବନ୍ର ଅଧିକାରୀଙ୍କର ସାଙ୍ଗେ
ଛୁଆମାନଙ୍କର ଚିକିତ୍ସା ବାବଦେ ଆଲୋଚନା କରିଥିଲେ । ସେତା
ସ୍ଵାସ୍ଥ୍ୟମନ୍ତ୍ରୀ ଡକ୍ଟର ମହାଲିଙ୍ଗ ଅଗ୍ନିକାଣ୍ଡ ଘଟ୍ଟନାଥୁ ଆହତ୍
ହେଇକରି ଶ୍ରୀରାମଚନ୍ଦ୍ର ଭଞ୍ଜ ମେଡ଼ିକାଲ୍ କଲେଜ୍ ଡାକ୍ତରଖାନାଥୁ
ଚିକିତ୍ସିତ୍ ହେଉଥିବା ରୋଗୀମାନଙ୍କୁ ଭେଟିବାର ସାଙ୍ଗେ
ସେମାନଙ୍କର ଚିକିତ୍ସା ବାବଦେ ଡାକ୍ତରମାନଙ୍କର ସାଙ୍ଗେ
ଆଲୋଚନା କରିଥିଲେ ।

ଇନ ଜନେଇ ଦିଆଯାଇପାରେ ଯେ, ଘଟ୍ଟନାଥୁ ଆହତ୍ ହେଇଥିବା
ଛୁଆର ଆର ବାକି ରୋଗୀମାନଙ୍କର ଚିକିତ୍ସା ମାହାଲିଆ
କରବାରକେ ମୁଖ୍ୟମନ୍ତ୍ରୀ ମୋହନ୍ ଚରଣ୍ ମାଝୀ ନିର୍ଦ୍ଦେଶ୍
ଦେଇଛନ୍ ।

ଦୁଲାଇ ଚନ୍ଦ୍ର ପ୍ରଧାନ- ମହିଳା ଦଳର ମେନେଜର

ପ୍ରେସ୍ ରିଲିଜ୍/ ଓସିଏ

ଓଡ଼ିଶା କ୍ରିକେଟ୍ ଆସୋସିଏସନ୍ - ଓସିଏର ସଭ୍ୟ ଦୁଲାଇ ଚନ୍ଦ୍ର
ପ୍ରଧାନଙ୍କୁ ବିସିସିଆଇ ତରଫୁ ମହିଳା ଏସିଆକପ୍ - ୨୦୨୪
ଲାଗି ଭାରତୀୟ ମହିଳା ଦଳର ମେନେଜର ନିଯୁକ୍ତ
କରାଯାଇଛେ । ଓସିଏ ତରଫୁ ମିଳିଥିବା ସୂଚନା ଅନୁସାରେ
ଆଏବା ୧୯ ତାରିଖ୍ ଶ୍ରୀଲଙ୍କା ନ ହେବାରକେ ଯାଉଥିବାର

ମହିଳା ଏସିଆକପ୍ ଟୁର୍ଣ୍ଣାମେଣ୍ଟ୍ ଭାଗ ନେବାର୍‌କେ ଭାରତୀୟ ଦଳ ଆଏବା ୧୬ ତାରିଖ ଦିନ ଚେନ୍ନାଇରୁ ଶ୍ରୀଲଙ୍କା ଯିବେ । ଇନ ଜନେଇ ଦିଆଯାଇପାରେ ଯେ, ମହିଳା ଏସିଆ କପ୍ ଟୁର୍ଣ୍ଣାମେଣ୍ଟ୍ ଭାରତ୍ ସହେତେ ନେପାଲ୍, ପାକିସ୍ତାନ୍, ଯୁନାଇଟେଡ୍ ଆରବ୍ ଏମିରେଟ୍ସ୍, ମାଲେସିଆ, ଶ୍ରୀଲଙ୍କା ଆର୍ ଥାଇଲାଣ୍ଡର ଦଳ ଭାଗ ନେବେ ।

ପିଟି ଶିକ୍ଷକ-ବଛରକିଆ ସମ୍ମିଳନୀ ହିନ୍ଦୁସ୍ତାନ ସମାଚାର

ବଲାଙ୍ଗିର ଜିଲ୍ଲା ସଇଁତଲା ବୁକ୍‌ସ୍ତରୀୟ ଶାରୀରିକ ଶିକ୍ଷକ ଆର୍ ଶିକ୍ଷୟିତ୍ରୀ ମାନକର୍ ବଛରକିଆ ସମ୍ମିଳନୀ ସଇଁତଲା ବାଳିକା ବିଦ୍ୟାଳୟ ନ ହେଇଯାଇଛେ । ବୁକ୍‌ର ୨୮ ଟା ବିଦ୍ୟାଳୟ ଆର୍ ୩ ଟା ମହାବିଦ୍ୟାଳୟର ଶାରୀରିକ ଶିକ୍ଷକ ଆର୍ ଶିକ୍ଷୟିତ୍ରୀମାନେ ଭାଗ ନେଇଥିବା ସମ୍ମିଳନୀଥି ବୁକ୍ ନ ୬ ଟା ଖେଲକୁଦ୍ ପ୍ରତିଯୋଗିତା ବାବ୍‌ଦେ ଆଲୋଚନା କରାଯାଇକରି କାର୍ଯ୍ୟସୂଚୀ ଧାରିଜ୍ କରାଯାଇଛେ ।

ଥାଇରଏଡ୍ ପରୀକ୍ଷା ସେବା ନୂଆପଡ଼ା ସମ୍ବାଦଦାତା

ନୂଆପଡ଼ା ଜିଲ୍ଲା ଖଡ଼ିଆଲ୍ ଉପଖଣ୍ଡ ଡାକ୍ତରଖାନା ନ ଥାଇରଏଡ଼୍ ପରୀକ୍ଷା ସେବା ମୁଲ୍ ହେଇଛି । ଲୁକେ ବିନା ପଏସାଥି ଇ ସେବାର ଲାଭ୍ ନେଇପାରବେ ବଳି ଡାକ୍ତରଖାନା ତରଫୁ କୁହାଯାଇଛି ।

ବର୍ଦ୍ଧିତ୍ ତାପମାତ୍ରା- ବଜ୍ରପାତ ଆରଏନ୍ୟୁ/ କଟକ୍

ଜଲ୍‌ବାୟୁ ପରିବର୍ତ୍ତନ୍ ଲାଗି ତାତି ବଜ୍ରୁଥ୍‌ବାରନ୍ତୁ ପୁରଥ୍‌ର ସବୁଆଡ଼େ ଅଏଡକା ଚଡ଼କ୍ ମାରୁଛି ବଳି ବୈଜ୍ଞାନିକ୍‌ମାନେ ମତ ଦେଇଛନ୍ । ବଡ଼ି ତାତିର ଲାଗି ବାତ୍ୟା ସାଙ୍ଗେ ଚଡ଼କ୍ ଆର୍ ଘଡ଼ଘଡ଼ି ହେବାର୍ ଅଏଡକା ସମ୍ଭାବନା ଥିସି ଆର୍ ଖାଲି ଭାରତ୍ ନୁହେସେ ସାରା ପୁରଥ୍ ନ ଚଡ଼କ୍ ମାର୍‌ବାର୍‌ଟା ବଜ୍ରୁଛି ବଳି ଭାରତୀୟ ପାଣିପାଗ୍ ବିଭାଗ୍‌ର ବରିଷ୍ଠ ବୈଜ୍ଞାନିକ୍ ବି.ଏସ୍. ପାଇ କହିଛନ୍ । ତାପମାତ୍ରା ୧ ଡିଗ୍ରୀ ସେଲ୍‌ସିଅସ୍ ବଜ୍ରଲେ ବାୟୁର ଆଦ୍ରତା ଧାରଣ୍ କ୍ଷମତା ୭ ପ୍ରତିଶତ୍ ବଜ୍ରସି ଆର୍ ହେଥୁ ବଜ୍ରପାତ ହେବାର୍ ସମ୍ଭାବନା ୧୨ ପ୍ରତିଶତ୍ ବଜ୍ରିଯାଏସି ବଳି ଭୂ-ବିଜ୍ଞାନ୍ ମନ୍ତ୍ରଣାଳୟ୍ ଆଘର୍ ସଚିବ ମାଧବନ୍ ନାୟାର୍ ରାଜୀବନ୍ କହିଛନ୍ ।

ମୌସୁମୀ ବାୟୁ- ଜଲ୍‌ଭଣ୍ଡାର୍ ଆରଏନ୍ୟୁ/ କଟକ୍

ଦକ୍ଷିଣ ପଶ୍ଚିମ ମୌସୁମୀ ବାୟୁ ଦେଶର ସବୁ ଇଲାକାକେ
ଛୁଇଁଛି । ହେତାର ପ୍ରଭାବ୍ଧି ଭିନ୍ ଭିନ୍ ଜାଗା ନ ମଧ୍ୟମ୍ନ
ଜବର ବର୍ଷା ହେଉଛି । କେନ୍ଦ୍ରୀୟ ଜଳ ଆୟୋଗଙ୍କର ସୂଚନା
ଅନୁସାରେ ଦେଶର ଶହେ ୫୦ ଟା ବୃହତ୍ ଜଳଭଣ୍ଡାର ନ
ଜଳସ୍ତରଥୁ ୨୬ ପ୍ରତିଶତ ବଢ଼ି ହେଇଛି । ଏହେନ୍ ଜଳଭଣ୍ଡାର
ମାନକୁ ୪୬ ଦଶମିକ୍ ୩ ଶହ ୧୧ ବିଲିୟନ୍ ଘନମିଟର ପାଏନ୍
ଗଢ଼ିତ ଅଛି ବଳି ଆୟୋଗ୍ ତରଫୁ କୁହାଯାଇଛି ।

ପାଣିପାଗ ଆର୍ଦ୍ରତ୍ଵ/ ସମ୍ବଳପୁର

ଉତର ପଶ୍ଚିମ ବଙ୍ଗୋପସାଗର ନ ହେଇଥୁବା ଘୂର୍ଣ୍ଣିବଳୟ
ଆଏବା କାଏଲତକ୍ ଲଘୁଚାପ୍ ହେବାର ସମ୍ଭାବନା ରହିଛି ଆର
ସେଥୁ ରାଏଜେ ବର୍ଷା ବଢ଼ିବା ବଳି ଭୁବନେଶ୍ଵର ଆଂଚଳିକ୍
ପାଣିପାଗ୍ ବିଜ୍ଞାନ କେନ୍ଦ୍ର ତରଫୁ କୁହାଯାଇଛି । ସୂଚନା
ଅନୁସାରେ ଆଏବାକାଏଲତକ୍ ରାଜ୍ୟର ବଡ଼ଭାଗୀ ଇଲାକା ନ
ବର୍ଷା ହେଇପାରେ । ଖାସ୍ କରି ପଶ୍ଚିମ ଓଡ଼ିଶାର ସମ୍ବଲପୁର,
ବରଗଡ଼, ଦେବଗଡ଼, ଝାରସୁଗୁଡ଼ା, ସୁନ୍ଦରଗଡ଼, ବଲାଙ୍ଗିର,
ନୂଆପଡ଼ା ଆର କଳାହାଣ୍ଡି ଜିଲ୍ଲାର ଗୁଡେ ଜୁଡେ ଜାଗା ସହେତେ
ରାଜ୍ୟର କେତେ ଜାଗା ନ ଘଡ଼ଘଡ଼ି ଆର ଚଡ଼କ୍ ସଙ୍ଗେ ଜବର

ବର୍ଷା ହେଇପାରେ । ଆଏବା ୧୯ ତାରିଖ୍ତକ୍ ରାଏଜେ ବର୍ଷା
ଲାଗି ରହିପାରେ ବଳି ଭୁବ୍ନେଶ୍ୱର୍ ଆଂଚଳିକ୍ ପାଣିପାଗ୍ ବିଜ୍ଞାନ
କେନ୍ଦ୍ର ତରଫୁ ଅନୁମାନ କରାଯାଇଛେ ।